



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Maurittii Gudeni Historia Erfurtensis Ab Vrbe Condita Ad Reductam

Gudenus, Johann Moritz von

Erfurti, 1675

IX.

urn:nbn:de:hbz:466:1-11903

tes. Tandem undique solito istius temporis oppugnandi more scalæ admoventur, prædones cœdibus imminuti; dum hîc ascendentes deturbant, alibi impares sunt. Superato muro adhuc pugnarunt, ne vivi caperentur. Viginti eorum capti ex arboribus circâ arcem suspenduntur, (a) Comes autem cum equite Werterdensi capite plexus, arx ipsa solo æquata.

IX. Bellum hoc majoris momenti controversia excepit. * † Salzam urbem (b) jam ab aliquot sæculis Moguntina Sedes nobilibus ejusdem nominis in feudum concesserat, relicto solum ibi Præfecto, qui vicinos pagos, & illam ditionem administraret. Moriebatur hoc anno Dominus de Salzâ tribus filiis beatus. Hæreditatis divisio fratrum concordiam rupit, nec convenire poterant, solidum singuli patrimonium cupientes. Auctâ discordiâ fratrum alter Landgravium accedit, ac eum litem vendit. Nec mora: Adest hæreditatis emptor, ipsamque Salzam aperiri sibi per nuncios flagitat. Cives cum Præfecto Moguntino aditum negant: Esse Urbem Moguntiaë feudum, nec absque ejus consensu alienari posse. Nihil ergo per vendi-

(a) Peccensteinus in *Theatro Saxonico* pars. 3. cap. de Noribus. Becherer in *Chron. Thuringiæ & Rivander*.

(b) MS. *Chron. Erfurt. & Rivander* hoc anno. MS. *Chronica Pictrensis*.

venditionem actum, quã ut cõmissã feloniam
 Urbs caduca Moguntiam denuò accederet.
 Contumeliã imprudenter additã: Serius
 venisse Landgravium, adesset crastinã ma-
 turius, foresque denuò pulsaret. Frede-
 ricus copias militares admovet, cum au-
 tem nihil illã proficerent, atrox consilium
 capit: domus urbis lignear, prætereã stra-
 mine plurimum tegebantur; igitur ignem
 injicit, ¶ ut cives à mœnibus ad ædium
 suarum defensionem compelleret, sicque
 facilior expugnatio redderetur. Suprà
 votum consilium cessit, quippe Urbs vi-
 ginti locis incensã, confestim tota flam-
 mis corripitur: restinguere incendium re-
 medio violentius cives ne tentarunt qui-
 dem, se tantum flammæ suffurari conan-
 tes: ipse calor mœnia occupavit, de
 quibus multi extrã Urbem præcipites lapsu
 extincti, pauci, qui feliciter ceciderant,
 in ipsis hostibus misericordiam invene-
 runt. Exusta tota civitas, & in eã octin-
 genti septuaginta octo homines. Introi-
 vit ergo Fredericus per cineres ad Urbis
 rudera. Sed arx huic calamitati exemp-
 tamansit. Ast cum à Moguntina Sede,
 quam Henricus (a) post Ludovici Cæsaris
 mortem contrã Papæ sententiam violen-
 ter tenuit, parum auxilii sperare posset,
 brevi ad pacis condiciones adacta est. Lu-
 sum de alieno corio: fratribus de Salza a-
 dempta Urbs, & conventum, ¶ ut post

*Salza urbs
 exuriunt*

in

*Lis compo-
 nitur.*

G 4

(a) Serarius in hoc Henrico.

VI.

hac Moguntinus & Landgravius ex æquis partibus possiderent. Annuit facile Henricus, qui facultates omnes pro sui conservatione contra Gerlacum destinabat, neque ducebat expedire contra Landgravium quid moliri, ne potentem Amicum æmulo procuraret. Sibi potius largitionibus de sociis prospexit, utque ipsam Erfordiam à fidelitate Gerlaci detineret, (a) insignem † ei præfecturam Kappelndorff, imperii feudum, donavit. Terræ motus universam Thuringiam † concussit. (b) Passim corruerunt ædificia, & rupti montes, maximi subsultus Erfordiam quassarunt. Nullum in atróci malo remedium, ab ædium ruinis in Urbibus periculum crevit; inde campi refugium petebantur. Credo † ruptam his motibus terram noxiis exhalationibus aërem corrupisse, qui pestilenti lue post biennium tot hominum millia peremit, in sola Erfordia duodecies mille homines pestis consumpsit. Nec in Thuringia se continuit hoc malum, sed longius per Europam progressum est.

X.
*Judæorum
persecutio.*

Ampla Urbs commerciis hæctenus creverat, sed numerosior † Judæorum copia potissimum lucrum retulerat: ut enim fraudulentum id hominum genus inter virtutes dolum numerat, quo Christianum decipit, sic intrà limites recti se continentem mercaturam facile prævenit. Cum ergo

(a) MS. Chronica Erfurr.

(b) Chronica Thuringia & Erford. hoc anno.